



Inatsisartunut ilaasortaq Sara Olsvig, Inuit Ataqtigiit  
Inatsisartut Allattoqarfiat  
/Maani

## **Eqqartuussissuserisut misissuinissaat pillugu § 37 naapertorlugu apeqquut nr. 52- ip akineqarnera**

Asasara Sara Olsvig

10-03-2015  
Suliap normua. 2015-112336  
All. nr. 1886938

Inatsisartut suleriaasianni § 37 naapertorlugu sakkutooqarfimmut sullissinissamik isumaqatigiissutip Namminersorlutik Oqartussanit suliareneqarsimanerata eqqartuussissuserisunit pilersaarutaasumik misissuiffiqineqarnissaat pillugu arlalinnik apeqquateqarsimavutit. Apeqquut uanniit akineqartussanngorlugit ingerlateqqinneqarsimapput.

Postboks 101  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Apeqquutigineqartunut akissutigisakka tulleriiaarlugit ataani takutinneqarput.

### **Apeqquutit:**

Oqaaseq "arlaannaannulluunniit attuumassuteqanngitsoq" Naalakkersuisut qanoq paasivaat? Imatut paasineqassanerluni tassa inatsisilerituunit misissuisitsineq immini "arlaannaannulluunniit attuumassuteqanngitsutut" paasineqassasoq, tassa inatsisileritooq pineqartoq Namminersorlutik Oqartussani atorfeqanngimmat? Aamma advokat-ip ingerlatsiviata erseqqarissumik Namminersorlutik Oqartussat aningaasarsiorfittut sullitarigaa naluneqanngippat?

### **Akissut:**

Isumaqanngilanga eqqartuussissuserisup misissuina suugaluartorluunniit arlaannaannulluunniit attuumassuteqanngitsuusoq. Suliami matumani pineqartumi misissuinerup arlaannaannulluunniit attuumassuteqannginneranik oqarnermi pineqartoq tassaavoq suliaq eqqartuussissuserisumut avataaneersumut tunniunneqarsimammat, taassumalu inuit kikkuugaluartulluunniit attuumassuteqartut oqaloqatiginiarlugit aggersarsinnaavai, taassumattaarluni nammineerluni aalajangertussaavaa inuit allagaatinut suliamalla tunngassutilinnut misissuinerup pingaarteqarsinnaasunut isersinnaasut sorliit aggersarsinnaanerlugit. Aamma isumaqarpunga eqqartuussissuserisooq toqqarneqartoq Namminersorlutik Oqartussanik sullissisarnermini imatut attuumassuteqartiginngitsoq misissuineq arlaannaannulluunniit attuumassuteqanngitsutut isigineqarsinnaanani.

### **Apeqquut:**

Pisisussap suliamalla naammassisaqartussap aningaasanik akunneqarnerat eqqarsaatigalugu Namminersorlutik Oqartussat eqqartuussissuserisumik suliakkiinissaannut akiliinissaannullu Naalakkersuisut ataatsimut isigalugu qanoq ittunik piumasaqaateqarsinnaappat?

### **Akissut:**

Soorlu qulaani akissutinni takuneqarsinnaasoq eqqartuussissuserisup misissuinerani sinaakkutissat pilersinneqartut arlaannaannulluunniit attuumassuteqarnani misissuinerumi malinneqartussaapput, tamatumani aamma misissuinerumi angusarineqartut

pigineqalernissaasa tungaannut suliaakkiisup nammineq piumasarisai soqutigisaqartuniillu ataqqineqartussaasut isiginiarneqartussaammata. Arlaannaannulluunniit attuumassuteqannginnermi aamma malinneqartussaavoq eqqartuussisuserisup toqqarneqartup Namminersorlutik Oqartussanut aalajangersimasumik attaveqannginnissaa.

**Apeqqut:**

Oqariaatsip "arlaannaannulluunniit attuumassuteqanngitsup" advokat-ip sullitallu akiliisussap qanoq attaveqarnerannik ersernerlutsitsisinnaanera eqqarsaatigalugu oqariaatsip taassuma siunissami atorneqannginnissaanut Naalakkersuisut periarfissaqarsorinnippat? Oqariaatsip "arlaannaannulluunniit attuumassuteqanngitsup" aamma imaatsippaa misissuinerup inernerera allanngortinneqarsinnaananilu eqqartoqqinneqarsinnaanngitsaq.

**Akissut:**

Qulaani akissutinni takuneqarsinnaavoq oqaatsip "arlaannaannulluunniit attuumassuteqanngitsup" § 37 naapertorlugu apeqqutigineqartumi erseqqissarneqartup paasineqarneranut isumaqataannginnama. Taamaammat aamma isumaqanngilanga taamatut misissuisitsinermi angusarineqartut naammassisatut, saassunneqarsinnaanngitsutut eqqortuusutullu oqallisigineqarsinnaanngitsutut isigineqassanngitsut, soorlu apeqqutigineqartumi tamanna ersersinniarneqaraluartoq.

**Apeqqut:**

Misissuisitsinermi suliaakkiissutip qanoq isikkoqarnissaanut aalajangersaasoqarsimava, taamaappallu suliaakkiissut taanna § 37 naapertorlugu apeqquteqaammut matumunnga akissummut ilanngullugu Inatsisartunut nassiunneqarsinnaava?

**Akissut:**

Eqqartuussisuserisut arlaannaannulluunniit attuumassuteqanngitsut misissuinissaasa aallartinnissaat pillugu Naalakkersuisut aalajangernerat tunngavigalugu eqqartuussisuserisut misissuinissaanut malitassanik suliarinnittoqarsimavoq, taakkulu Inuussutisarsiornermut, Suliffeqarnermut, Niuernermut Nunanullu Allanut Naalakkersuisumit uanniillu atsiorneqarsimapput.

Kikkut tamarmik misissuinermit atatillugu immikkut ittumik nipangiussisussaaitaanermik piumaffigineqarput, malitassallu Inatsisartunut nassiunneqassanngillat, massakkorpiarlu tamanut saqqummiunneqarnaviarnatik.

Misissuinermi angusarineqartut Inuussutisarsiornermut, Suliffeqarnermut, Niuernermut Nunanullu Allanut Naalakkersuisumut uannullu saqqummiunneqarumaarput. Misissuinermi inerniliunneqartut innersuussutaasullu qanoq isillugit malitseqartinneqassanersut nammineerluta aalajangiiffigiumaarpagut.

Taamaalillunga itigartingilara misissuinermi malitassat angusarineqartulluunniit imaluunniit taakua ilaat Inatsisartunut nassiunneqarumaartut, soorlu apeqqutigineqartumi aammalu tamanut kingusinnerusukkat saqqummiussisoqarnissaa pillugu oqartoqarnerani taaneqartoq.

**Apeqqut:**

Kia advokat-imit misissuisitsinissami suliaakkiissut allappaa?

**Akissut:**

Qulaani akissutigisara innersuussutigissavara.

**Apeqquut:**

Naalackersuisoqarfiit pisortaqaqfiillu sorliit misissuisitsinissami ilaatinneqassapat?

**Akissut:**

Qulaani akissuteqarnera naapertorlugu eqqartuussissuserisup naliliinera aalajangerneralu malillugit Namminersorlutik Oqartussani oqartussaaffeqartut, immikkoortut inuillu ataasiakkaat attuumassuteqartut tamarmik pineqarput.

**Apeqquut:**

Misissuisitsinissami pisap politikikkut qanoq aallunneqarsimaneranut nassuiaat ilanngunneqassava, imaluunniit atorfilittatigut aallunneqarnera kisimi sammineqassava?

**Akissut:**

Soorlu akissutinni qulaani takuneqarsinnaasoq inuit kikkut qaaqquneqassanersut imaluunniit allagaatit sorliit misissuinermi ilanngunneqassanersut eqqartuussissuserisup avataaneersup namminerpiaq aalajangertussaavaa. Taamaattoq nalunaarfigineqarpunga eqqartuussissuserisop politikerinut saaffiginnikkumaartoq, taamatuttaarlu Naalackersuisut ataatsimiinneranni imaqaqarniliat misissuiffigineqarumaartut.

**Apeqquut:**

Nassuiaat tamanit atuarneqarsinnaalissava? Taamaangippat advokat-imit misissuisitsinissap inerneranik tamakkiisumik ilaannaanilluunniit avammut takunneqqusinnginnermut tunuliaqutaasoq Naalackersuisunit paasissutissiissutigeqquneqarpoq.

**Akissut:**

Soorlu qulaani akissuteqarninni misissuinermi malitassat angusarineqartulluunniit imaluunniit taakkua ilaat Inatsisartunut nassiunneqarnissaat, kingusinnerusukkulluunniit tamanut saqqummiunneqarnissaat itigartinngilara.

Tamanut saqqummiussisoqarnissaanut, paasissutissallu ilaannik isertuussisoqartussaansoq pillugu isummertoqarumaarpoq. Aamma nunanut allanut sillimaaniarnikkullu politikeqarneq pillugu eqqarsaatit, nunanullu pissaaneqarluartunut ataveqarnerit pingaaruteqalersinnaapput, soorlu aamma nalinginnaasumik nipangiussisussaatitaaneq matumani pineqartoq eqqarsaatigalugu.

Inussiarnersumik inuulluaqqusillunga



Kim Kielsen